



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**S. Avrelii Avgvstini Hippoensis Episcopi Et S. R. E.  
Doctoris Vita**

**Lancilottus, Corneille**

**Antverpiæ, 1616**

Cap. XX. S. Augustinus duas familias Religiosorum instituit, Eremitarum, &  
Canonicorum Regularium.

**urn:nbn:de:hbz:466:1-42857**

zonâ pelliceâ cincto , & cucullo , quæ nec Episcopus ( vt volunt ) deferuit ) quibus illo tempore vestiebar . Et quia ( ægrius ferens suorum Eremitarum absentiam ) disponebam esse in monasterio , cognito voluntatis meæ proposito , B. M. senex Valerius dedit mihi hortam illum , in quo nunc est monasterium . Cæpi boni propositi colligere fratres , nihil habentes , sicut nihil habebam , & sua mecum pauperibus erogantes , ut de communi vine-remus : commune autem nobis esset , magnum & uberrimum prædium ipse Christus . Subdit : Perueni ad Episcopatum , vidi necesse ha- bere Episcopum exhibere humanitatem assi- duam quibuscumq; venientibus siue trans- euntibus . Si autem consuetudo ista in mona- stero permissa , indecens esset . Et ideo volui habere in istâ domo Episcopi mecum monaste- rium Clericorum .

## CAPVT XX.

S. Augustinus duas familias Religiosorum in- stituit , Eremitarum & Canonicorum Re- gularium .

**Q**uibus verbis liquidò monstratur , S. Augustinum Hippone duo constru- xisse monasteria : vnum quidem Eremitis Religionis suæ sodalibus , cum Presbyter tantum esset ; illudque secus flumen in po- mœrio ,

mœrio, quod adire piè contemplandi gra- Henricus  
tiâ fuit solitus; cuius monasterij etiamnum ab Alema-  
perhibent quædam spectari rudera. Alter- niâ.  
rum verò conditum ab eo cùm Episcopus Nicolaus  
esset, quod Clericis Regularibus initium ab Alexan- driâ.  
dedit in Episcopali eius domo, quæ proxi-  
mè fuit ecclesiæ coniuncta. Consequitur  
etiam, Baronio teste, duas Ordinis diuersi Baron. t. 6.  
familias à S. Augustino fuisse institutas, seu ann. 504.  
potius reformatas; eorum nempe, qui in  
Episcopali domo Clericalem vitam agétes,  
iam Episcopo conuiuebant; & eorum qui  
nigrâ veste cinetuque pelliceo vtentes, ex-  
tra omnem sæculi tumultum, domicilium  
sibi elegere, Parentem suum habitu & mo-  
ribus æmulantes: quales è multis fuisse ac-  
cepimus D. Euodium, Fulgentium, reli- Ferdin. ab  
quosque suprà recitatos, homines cùm pie- Hispaniâ  
tate, tum doctrinâ conspicuos, eosdemque Episcopus  
Dei & Angelorum sæpe in terris colloquio Auinionē-  
fruentes. Quin etiam, vt auctor est Baro- sis.  
nius tom. v. an. CCC. XCV. CCC. XCVIII. & ali- Serm. 150.  
bi, huiusmodi fuere quotquot ibidem per apud B. Ior-  
ea tempora Presbyteri consecrabantur. Ac danum de  
non ita multo pòlit, decem Episcopos do- Sancis.  
ctissimos, vt testis est Possidius, è cœnobio Cap. II. VI.  
in varias velut colonias deduci permisit t. & S. Augu-  
S. Augustinus: qui omnes diuersis Ecclesijs stini.  
præfecti, atque eiusdem Religiosæ vitæ pro-

M pagi-

paginem explicantes quaquauersus & ipsi  
in suis diœcesibus monasteria exstrui cura-  
uerunt. Ne quis autem magnopere de pri-  
mogeniturâ digladietur vel etiam vanè glo-  
rietur (id enim non optimo exemplo qui-  
dam fecere) subijcere hîc volui, quæ de hac  
re sapienter ac verè legi in hæc ferè verba

*Lib. 2. v.  
tasfr. c. 12.* apud nostrum B. Iordanum è Saxoniâ: Ego  
omni scrupulo semoto, aestimo quòd illi de  
ipsius Regulæ primatu dignius glorientur,  
qui contenta in Regulâ deuotius & feruen-  
tiùs exequuntur: & si optare possem, hoc mal-  
lem in hoc S. Ordine potius inueniri, quam  
quòd ipse S. P. Augustinus Regulam ipsam  
Patribus nostris primo dedit. Non enim de  
primitate collationis, sed de præcipuitate ob-  
seruationis est curandum. Sed timendum ne  
plerisq; de principalitate Regule litigantibus  
accidat, sicut Iudeis qui glorianter se primos  
& præciuos esse in collatione legis, eò quòd  
lex à Deo per Moysen eis immediatè fuit da-  
ta, verùm illi de ipsius legis obseruantia mi-  
nimè curant, immò ab eadem deficiunt. Vnde  
verissimè in illos hoc dici posse subnectit,  
quod in Vitis-patrum senior quidam simi-  
li vanitate monachis in hanc sententiam

*Part. 2. lib.  
De discre-  
tione.* obijcit: Prophetæ conscripsere libros; Patres  
autem nostri venerunt post eos & operari  
funt eos: & iterum successores eorum com-  
men-

mendauerunt illos memoria. Venit autem generatio quæ nunc est, & scripsit eos in chartis & membranis, &c. & posuit eos in fenestris vel cistis otiosos.

## CAPVT XXI.

Complures Episcopi monasteria Augustiniæ Religioni construunt, quæ etiamnum hodie tot afflictæ persecutionibus constat.

**D**IVERSARVM nationum Episcopi, cùm ad Provincialia Comitia in Africam sæpius conuenirent, videntes hoc Augustini institutum ita propagatum, & tot è discipulis eius creatos Episcopos, quodque in Conciliis inuenirentur literati non pauci de monasteriis prodeuntes; ad sua reuersi, magnopere laudabant hæc incrementa Ecclesiæ Africanæ: quòd eadem quæ vix antè poterat Episcopos obtinere Catholicos, iam abundaret Monachis & Clericis, per quos hæresis extirparetur, & pietas omni modo promoueretur. Quamobrem Innocentius I. hoc institutū magnopere probavit, & Eremitas quàm plurimos sub hac à se cōfirmatā Regulā coadunauit. Zozimus autem iuxta Illeſcam, iisdem viris religiosis facultatem dedit Euangelium ubiuis prædicandi, idque ratione multiugæ eruditio-

Platina in  
Inoc. I.  
Henricus  
ab Vrima-  
riâ.  
B. Iordanus  
lib. 1. Vitas-  
fr. cap. 19.  
Lib. 2. c. 9.  
&c.

M 2 tunc